



adresa: Franca Lehara 5, 71000 Sarajevo
telefon: +387(0)33 214 543
telefon: +387(0)33 213 288
fax: +387(0)33 214 543
info@ggs.edu.ba
ggs.edu.ba

address: Franca Lehara 5, 71000 Sarajevo
telephone: +387(0)33 214 543
telephone: +387(0)33 213 288
fax: +387(0)33 214 543
info@ggs.edu.ba
ggs.edu.ba

Broj: 01-902/26

Datum: 07.05.2026.godine

Na temelju člana 70. stav (4) Zakona o javnim nabavkama ("Službeni glasnik BiH", broj: 39/14 59/22 i 50/24), u predmetu javne nabavke radova – „Završna faza zamjene vanjske stolarije i ugradnja termoizolacione fasade, za potrebe Javne ustanove Srednja građevinsko – geodetska škola Sarajevo“ (otvoreni postupak javne nabavke sa zaključivanjem okvirnog sporazuma na period od tri godine), tender broj: 01-728/26, objavljen na portalu javnih nabavki 15.04.2026.godine pod brojem: 8981-1-3-72-3-2/26, a na osnovu Zapisnika o pregledu i ocjeni ponuda sa preporukom Komisije za javne nabavke broj: 01-901/26 od 07.05.2026. godine, direktor Javne ustanove Srednja građevinsko-geodetska škola Sarajevo donosi:

ODLUKU o poništenju postupka javne nabavke

Član 1.

Poništava se postupak javne nabavke radova – „Završna faza zamjene vanjske stolarije i ugradnja termoizolacione fasade, za potrebe Javne ustanove Srednja građevinsko – geodetska škola Sarajevo“ (otvoreni postupak javne nabavke sa zaključivanjem okvirnog sporazuma na period od tri godine), tender broj: 01-728/26, objavljen na portalu javnih nabavki 15.04.2026.godine pod brojem: 8981-1-3-72-3-2/26, iz razloga što je ponuda ponuđača **BauMaster d.o.o. Sarajevo** ocjenjena kao neprihvatljiva,

Član 2.

Kako nije bilo drugih prihvatljivih ponuda koji ispunjavaju uslove tražene tenderskom dokumentacijom odlučeno je kao što je i navedeno u članu 1. ove Odluke.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, uz istovremeno objavljivanje iste na web stranici škole www.ggs.edu.ba, shodno članu 70. stav (6) pomenutog Zakona.

Član 4.

Za izvršenje ove Odluke zadužuje se Računovodstvo škole.

Obrazloženje

Zapisnikom sa otvaranja ponuda broj: 01-863/26 od 05.05.2026. godine, konstatovano je da je zaprimljena 1 (jedna) blagovremena ponuda i to:

Ponuda ponuđača **BauMaster d.o.o. Sarajevo**, broj 01-861/26 od 05.05.2026. godine koji je ponudio:

Jediničnu cijenu – 259.834,77 KM bez PDV-a, odnosno 304.006,32 KM sa PDV-om,

Uslovi i način plaćanja – mjesečne situacije.

Rok izvršenja radova – 60 (šezdeset) dana.

Zapisnikom o pregledu i ocjeni ponuda sa preporukom komisije broj: 01-901/26 od 08.05.2026.godine, prilikom brižljivog pregleda ponude, komisija je konstatovala, da ponuđena cijena od strane ponuđača **BauMaster d.o.o. Sarajevo** iz Obrasca za cijenu ponude – Prilog 3, ne odgovara stvarnoj cijeni iz ponude, a nakon što je provjerom ponuđenih jediničnih cijena konstatovano odstupanje kod iste, te je računskim pregledom utvrđeno da tačan iznos ponuđenih jediničnih cijena iznosi ukupno 268.797,36 KM bez PDV-a, odnosno 314.492,90 KM sa PDV-om.

Na osnovu navedenog, a pregledom ponude ponuđača **BauMaster d.o.o. Sarajevo**, Komisija je utvrdila da ponuđena cijena iznosi 268.797,36 KM bez PDV-a, što je za 8.113,60 KM više od procijenjene vrijednosti nabavke/osiguranih sredstava koja iznose 260.683,76 KM bez PDV-a.

Uzimajući u obzir odredbe člana 2. stav (1) tačka l) alineja 2) Zakona o javnim nabavkama BiH kojim je jasno propisano kako je neprihvatljiva ponuda čija cijena prelazi planirana, odnosno obezbijeđena novčana sredstva ugovornog organa za nabavku, Komisija je utvrdila da nisu ispunjeni zakonski uslovi za nastavak postupka i dodjelu ugovora, te je dala preporuku direktoru škole za donošenje **Odluke o poništenju postupka** shodno članu 70. stav (4) Zakona o javnim nabavkama BiH.

Direktor škole je posebno cijeneći činjenicu da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude, u skladu sa kriterijima iz tenderske dokumentacije, a na osnovu odredbi Zakona o javnim nabavkama BiH, te je kako u samom postupku nije bilo drugih prihvatljivih ponuda koji ispunjavaju uslove tražene tenderskom dokumentacijom postupio u skladu sa članom 70. stav (4) Zakona o javnim nabavkama i poništio postupak predmetne javne nabavke, kao što je i navedeno u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke, u skladu sa odredbama člana 101. Zakona o javnim nabavkama ("Službeni glasnik BiH", broj: 39/14 59/22 i 50/24).

Dostaviti:

- "BauMaster" d.o.o. Sarajevo,
ulica Kurta Schorka broj 8., 71000 Sarajevo,
- Računovodstvo škole,
- a/a.

